



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

Ávila, Esteban de
Azpilcueta, Martín de

Lvgdvni, 1609

Prædicator.

urn:nbn:de:hbz:466:1-41656

P R A E D I C A T O R .

PECCAT mort. in concione sciēter nar-
rans miraculum falsum, aut miracula
incertā, aut prophetiam per sacram Scriptu-
ram non approbatam, aut ex industria fin-
gens vitā alicuius sancti aliter quā sit. cap.
18. num. 5. & cap. 25. num. 142.

Item qui aduertens se esse in mortali præ-
dicat, & concionatur sine debita contritio-
ne. Et qui aduertens concionando mentitur
circa doctrinam fidei, vel morum, vel circa
Sanctorum vitas, & miracula. num. 141. Qui
verò miscet in concione aliquid ridiculum,
venialiter peccat communiter loquendo.
num. 142.

Peccat mortaliter qui publicè concionatur
absque legitima aetate, ca. 25. n. 141. Et reli-
giolus, qui concionando nominatim detra-
hit Prælati Ecclesiæ, & Sacerdotibus, præ-
fertim, vt placeat laicis, contra quem lata
est excommunicatio per Concil. Lateran. sub
Leone X. Idem de concionatore sæculari
quoad peccatum & non quoad censuram,
num. 142.

Quoad prædicatores statuit Trident. sess.
5. c. 2. hæc sequentia.

*Nullus regularis predicet in Ecclesiis sui or-
dinis, nisi prius examinatus & approbatus à*

Sl 4 juo

suo Superiore de vita, moribus, & scientia, & licentia ab eo petendo. In Ecclesiis vero, quibus sui ordinis non sunt etiam licentia Episcopali necessaria erit. Episcopi etiam neminem regularem extra claustra uiuentem, nec secularē Sacerdotem predicare sināt, nisi eis noti sint, & moribus, & doctrina probati, etiam cuiuscumque privilegij prae-textu. Nullus secularis, nec regularis etiam in Ecclesiis sui ordinis predicet contradicente Episcopo. Episcopi autem singulis dominicis, & festis solennibus diuinam legem per se in suis Ecclesiis suis predicent, vel si legitime impediti sint per deputatos ab eis. In aliis uero Ecclesiis per parochos, vel alios. Tempore uero aduentus & Quadragesima quotidie, uel saltem triduo diebus ex hebdomada, legem diuinam, & sacri scripturam annuncient, & festis diebus pauca doceant doctrinam Christianam, & obedientiam erga Deum, & parentes. Ministrantes Sacramenta, etiam si sint Episcopi, ijs qui ea suscipiunt, illorum vim & usum explicent, & inter Missarum sollemnia, uel alia diuina officia ueraculo lingua festis diebus legem diuinam populo exponi curent, postpositis inutilibus questionibus, quae non edificant. Res item incertas, aut speciem falsi habentes, proponi non permittant, & curent predicari doctrinam ueram de Purgatorio. Omnes curam animarum gerentes per se

se, vel per alios, aliquid ex his quæ in Missa leguntur, dominicis & festis exponant, & mysterium Sanctissimi huius Sacramenti declarent. c. 25. n. 143.

P R Æ L A T V S.

PRÆLATVS Ecclesiæ est dispensator bonorum eius. c. 17. num. 28.

Prælatus religiosorum habet iurisdictionem quasi Episcopalem ca. 12. n. 75. Potest securè dispensare in ieiunio cum suis religiosi: non tamen debet relinquere conscientie subditi petentis dispensationem. c. 21. n. 21. 22. Potest securè iniungere inferiori munus audiendi confessionem, si eum iudicat idoneum. cap. 4. n. 6.

Non potest subditum obligare ad ea quæ sunt contraria præceptis Dei, Papæ, & aliorum superiorum: nec ad actus merè interiores, ad quos nec eius potestas se extendit: nec sunt necessarij ad implenda exteriora præcepta; nec ad actus spirituales respectu Superioris laici, nec ad reuelationem peccati omninò occulti. cap. 23. nu. 38. Nec ad iterationem confessionis legitimæ: nec prohibere allocutionem cum Superiore, qui est, etiam Superior prohibentis. nec obligare ad

ſſ ſ alperita